

COMUN: Le termo por les domandes do contribuc por l'ativité ordinara tl ann 2018 a uniuns/assoziazions toma ai 31 de merz 2018 – ciarede tl'ultima plata.

Le Consèi de Formaziun da S. Martin de Tor é formé por i proscimi 4 agn da: Carla Piccolruaz – presidènta; Giorgio Costabiei – vizepresidènt; Paolina Castlunger; Martina Planatscher; Melanie Clara; Dennis Schanung; Silvia Forer, che é a desposizion por propostas y informaziuns. - I periun dèr bel dotes les uniuns dl comun da organisé val' manifestaziun o iniziativa ince por l'ann 2018. Ma cun osc impègn y osc interes por manifestaziuns formatives y culturales sarunse bugn da mète adöm n bel program por pici y gragn, olache düc pó imparé val' por la vita. Inseride ostes manifestaziuns por aisciöda/istè 2018 tla plata internet www.manif.it o comunicheles al Sorvisc Formaziun cina ai 05 de merz: formaziun.vb@micura.it 0474 524 022. Döt ci che gnará inserì o dé jö dedö gnará ma plü publiché söla plata internet. Le Consèi de Formaziun ves dará, tan inant che le bilanz le conzed, n sostègn finanzia por les manifestaziuns.

PLOANIES DA SAN MARTIN Y LUNGIARÜ

Aktion Verzicht: Da Capiun ala Sabeda Santa döra l'aziun de jaiun che deplü organisaziuns dla diozeja porta inant tl tēp de Carsēma. Informaziuns plü avisa sot a: www.aktion-verzicht.it
Se recordun da jiné la cern i vëndresc de Carsēma y vire la penitēnza te döt chēsc tēp. Orun ince tigní sö la tradiziun da jì por sané te families o grups fora dal Crist o a Spines, dala fossa santa, o a Mühlbach dal „Stöckl-Vater“ olach'al é preodü pordiches: ai 18 de forá por ministranc, ai 25 de forá por mituns dla 1^a Comuniun, ai 04 de merz por la Uniun dles Ères, ai 11 de merz por families, ai 18 de merz por l'Uniun di Èi, ai 25 de merz por Kolping. An pèia ia vigni iade da Mühlbach, dales 14.00. An pó sambègn ince jì n ater dé y da n'atra ora.
Ai 03 de merz (sabeda), dales 15.00, él le VESCO che invièia copies de maridá a na zelebraziun de dylan y de benedisciun tl Dom da Porsenü.

SAN MARTIN

La Uniun dles Ères y di Èi invièia ala festa di iubilars en domènia, ai 8 d'aurí, cun mēssa y sté adöm tl salf di stödafüch. Düc i pers che é 10, 15, 20, 25, 30, 35, 40, 45, 50, 55, 60 ... agn maridá é dèr bel invia. Chēsc avis vel sciöche invit.

Vigni 3 edemes él n grup de ères che se barata jö por puzenè la dlijia, che é porchèl dagnora dèr bela nēta. Sègn fossel n gran debojègn ch'al gniss porsones lapró, por che le medemo grup n'ais nia bria da jí massa gonot. Deplü ch'an é, plü saurí ch'ara vá! Chères che á dlaurela é dèr bel periades da se mēte en contat cun Rosa Unterweger (320 37 15 113) o cun Romi Crazzolarà (339 71 64 521). N gran dylan a dotes les ères, che á daidè fina sègn y che dèida inant, da pert dla Uniun dles Ères y dl Consèi de Cöra.

L'ofize dla Portina por l'assistēnza y cura é sègn tl'alzada roduntaite a man ciampa y é davert ma plü dui iadi al'edema: le lönesc dales 13.30 ales 16.00 y la jöbia dales 9.30 – 12.00; Info 0474/586123 tratan chisc orars.

L'ofize dla Portina da tó jö sanch n'á nia mudé orar y é daverta lönesc, dedemesaledema y vëndres dales 7.45 – 8.30.

La Repartiziun prestaziuns ex Krankenkasse é daverta lönesc, mercui y vëndres dales 9.30 – 12.45, le dedolönesc y la jöbia dales 8.00 ales 12.45.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

18.02.18 – 25.02.18 nr. 12

termo da publiché: jöbia 20.00
radio: 90,40 / 93,70

1^a DOMÈNIA DE CARSEMA - ANN B

Vangele: Merch 1,12-15

Te chël tēp
à le Spirit condüt Gejù tl desert.
Dailò é Gejù restè caranta dis alalungia
y é gnü tentè dal malan.
Al viò pro i tiers salvari,
y i agnui le sorvî.
Do ch'an â sciurè Jan te porjun,
é Gejù indö jü tla Galilea;
al incundâ le vagnele de Dî
y dijô:
Le tēp é complì,
le règn de Dî é daimprò.
Convertisse,
y cherededi al vangele!



*Ciodí mēssera pié ia tan spera y süta? Ciodí mēt pa man la vita publica de Gejù propi tl desert, tla sēcia, danter les tentaziuns y i tiers salvars?
Y ciodí gnunse pa ortiá bele la pröma domènia cun chēsc vangele tla Carsēma? I 40 dis vègn ince dant pro i vangelišc Matí y Lūca, mo pro Merch vègn la storia cuntada ciamó plü süta y spera. Mo chēsc ne müda nia; forsc ti dessel gní dé pèis a ci che é veramēter important.*

Sant Ignaze da Loyola scomēncia süa istruziun por i eserzizi spirituai cun l'indicaziun che le travert de nosta vita é chël da s'orienté tres indö danü sön Chël Bel Dî, te döt, sides tl bel co tl burt, te vigni situaziun dla vita, y ch'ara se trata tres indö danü da mēte indért nosta vita.

*Te chēsc vers ó ince le vangele de chēsta pröma domènia de Carsēma nes invié da nes orienté tres indö danü sön Chël Bel Dî.
Y deache chēsc ne vel nia ma por chēsc tēp de penitēnza mo en general por dōta nosta vita tla fede, vègnel dit cört y tler:
Le règn de Dî é daimprò. Convertisse, y cherededi al vangele!*

	SAN MARTIN	LUNGIARÜ	Aziun - Renunziëia <i>Le foliet „Dolomiten“ porta dant tl'ediziun di 14 de forá, a plata 13, 40 ideas por vigni dé de Carsëma: chiló les postes por chësta edema:</i> 19 de forá: <i>Sfrüta le tēmp de Carsëma por ti fá val' de bëgn a to corp. Lascia n iade l'alcol demez.</i> 20 de forá: <i>De dl ann dla mort d'André Hofer: Ester n iade n eroe/na eroina! I ascuti te mi daite: Por ci pói pa me dé da fá cun plü ardimēnt y coraje (fede, familia, jënt tla meseria, profugs...)?</i> 21 de forá: <i>Dé dl ascuté pro: Incö me proi da ti mëte averda a ci che les porsones ó me dí y cunté. Por chësc me toli dlaurela!</i> 22 de forá: <i>I lê n'ora denant. Chësc tēmp scinché toli da me consintí val' che me fej bun.</i> 23 de forá: <i>Destöda to handy do les 18.00 y godete na sëra zënza internet cun la familia o compagns. Lëde da destürbs! (astinënza da cern).</i> 24 de forá: <i>Vire cun düc i sēnsc: En chësta fin dl'edema proi nia ma da odëi, mo ince da sintí, da aldí, da tofé. Chësc renfreschëia y arichësc la vita.</i>
18.02.18 1^a DOMËNIA DE CARSËMA - B <i>De dla Dlijia te ciasa</i>	9.00 Les Staziuns 9.30 Gran Mëssa por la comunité 19.00 Funziun de Carsëma te familia	7.55 Les Staziuns ciantades dal Cor y Confesciuns 8.15 Gran Mëssa por la comunité 19.00 Funziun de Carsëma te familia	
19.02.18 Lönesc <i>Irmgard, Bonifaz</i>	20.00 Cërtrl dla Bibla tla colonia da San Martin	17.00 Les Staziuns 20.00 Cërtrl dla Bibla tla colonia da San Martin	
20.02.18 Dedolönesc <i>Amata, Iordan</i>	19.30 Mëssa de rengraz. fam. Sepl Flöss familia de Rudi Moling por les Animes	7.30 Zelebrazion dl Parora	
21.02.18 Dedemesaledema <i>Pire Damiani, German, Eleonora</i>	18.00 Les Staziuns	7.50 Mëssa di scholars de rengraz. a San Cristofer de rengraz. fam. Martin Clara	
22.02.18 Jöbia <i>Catedra de San Pire, Margarita da Crot.</i>	7.30 Mëssa di scholars + Paula Ploner + Franz Conrater Corona por vocaziuns		
23.02.18 Vëndres <i>Policarp, Romana</i>	14.30 Mëssa y sopoltöra de Lena Costabiei Moling	7.30 Mëssa + Paula Ploner dl ann + Elena Clara + Pire Clara, Mair	
24.02.18 Sabeda <i>San Matia apostul, Ida</i>	14.30 Mëssa y sopoltöra de Maria Tavella Vanzi 15.30 Mëssa tla Ciasa de Palsa degöna mëssa pefestia	20.00 Mëssa pefestia dl ann + Florino Mischi dl ann + Franz Flatscher	
25.02.18 2^a DOMËNIA DE CARSËMA - B	9.00 Les Staziuns 9.30 Gran Mëssa por la comunité	7.55 Les Staziuns y Confesciuns 8.15 Gran Mëssa por la comunité	